

Monday, October 6, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

MSSTA

Mizoram SSA Teachers Association General Headquarters chuan vawiin khan thuchhuah siamin, Court thutlukna ngaipawimawha Mizoram CSS Regularisation Scheme hnuiaia SSA zirtirtute dah nghet turin Mizoram sorkar an phut.

MSSTA chuan Samagra hnuiaia Primary leh Middle School zirtirtute chuan Mizoram sawrkar hnuiaiah an chanvo dik tak chang lo ni a, an inhriat avangin September 19, 2019 khan Guwahati High Court, Aizawl Bench ah Mizoram sawrkar an khin thu leh March 17, 2023 khan High court chuan thutlukna siamin, SSA zirtirtute dah ngheh dan tur point thum a siam a, Court chuan Mizoram sorkar chu heng point pathum zinga a duh ber thlang tur leh Right to Education Act (RTE) Rules zawm chung zelin - Primary leh Middle School Teacher Vacant post a dah luh emaw, SSA teachers tan bik a post siam sak emaw, Scheme hmanga a tah tawla dah nghet emaw turin a ti a ni.

Mizoram sawrkar chu thla 6 chhunga heng point 3 zinga engemaw ber hmanga SSA teacher dah nghet tura tih a nih thu MSSTA chuan a tarlang a; thla 6 chhungin sorkar chuan court thutlukna hi a ti hlawhtling thei lo a. Sawrkar atanga hmalakna tak tak a awm loh avangin September 29, 2023 khan Court zah lohna Contempt of Court chu theh luh leh a nih thu leh Contempt of Court atanga kum hnih hnuah pawh hmalakna lian tham a awm lo chu mak an tih thu an tarlang.

MSSTA chuan CSS Regularisation Scheme hi SSA teacher-te court in dah nghet tura a tih avanga siam nia sawi a nih mek laiin a scheme neitu leh a siam chhan tumah dah ngheh an la awm loh laia Health Department hnuiaia Health worker mi 31-te dah ngheh an ni ta daih chu vanduaithlak an tih thu an tarlang bawk.



ANDHOLDING SCHEME

Thla hlui September ni 19-a tlangzarh tâk Bana Kaih (Handholding) Scheme Phase-II hnuiaiah tukin zing thleng khan loan component dilna 87 leh CM Special Package dilna 15,889 a lut tawh a; Bana Kaih hnuiaia dilnate hi sorkara a thlen chinte online hmangan a check zel theih tih hre turin sorkar hotute chuan Bana Kaih hnuiaia dilna thehluttute an ngen.

Bana Kaih Phase-II hi September 19, 2025 khan tlangzarh a ni a, Akashvani thudawn danin Bana Kaih Phase-II ah hian ni 16 chhung, tukin zing thleng khan loan component dilna 87 a lut tawh a, CM Special Package dilna 15,887 a lut tawh bawk.

Handholding Phse-II ah hian implementing department 19 a awm a; dilna hi India khua leh tui Mizorama khawsa, kum 18-60 inkarte'n an dil thei a, sorkar atanga hlawh late tan dil theih a ni lo a, loan dil tur hian CIBIL Score 700 aia tlem tan dil theih a ni lo.

Bana Kaih hnuaia loan component leh CM Special Package diltute hian an dilnain a thlen chinte hi online hmangin Bana Kaih portal-ah an account atangin an chhui zui thei tih sawiin sorkar hotute chuan, an login credential hmangin an monitor theih thu an sawi a, an password-te chhinchhiah reng turin an chah a ni.



OFFICE TIMING

Mizoram Sorkar hnuaia thawkte pisa kai hun chu vawiin atang hian zing dar 9:00 atanga tlai dar 4:00 thleng a ni tawh dawn. Office kai hun thar hi thlasik chhunga hman tur niin, February ni 13, 2026 thleng hman tur a ni.

North East States a Mizoram House te pisa kai hun pawh zing dar 9:00 atanga tlai dar 4:00 a ni dawn a; New Delhi, Kolkata, Mumbai leh Bengaluru a Mizoram House te pisa kai hun erawh zing dar 9:30 atanga tlai dar 5:00 a ni ang.



FREE DENTAL CAMP

Health Minister Pi Lalrinpuii’n zuk leh hmuam avangin Mizoten cancer bakah natna hrang hrang an vei phah nasa a ti a, mitin mahni hrisel nan zuk leh hmuam laka inthiarfihlim a pawimawh thu a sawi.

Vawiin khan Health and Family Welfare Department, Govt. of Mizoram, Indian Society of Prosthodontics Restorative Periodontics (ISPRP) leh Mission Foundation Movement tangkawpin an buatsaih, ni 2 chhung awh tur, a thlawna ha entir theihna hun, Free Dental Camp chu Civil Hospital, Aizawl-ah kalpui tan a ni a. Health & Family Welfare Minister Pi Lalrinpuii chuan he hun hi hmanpuiin Dubai atangin Professor Dr. Lovely Muthiah Annamma leh Professor dang 3 te bakah Asan Dental College, Chennai atangin Internship tilai mi 3 an tel bawk a ni.

Pi Lalrinpuii chuan Mizote’n zuk leh hmuam an tih nasast thu sawiin Cancer leh a dangte an vei nasat phah hle tiin zuk leh hmuam leh kuhva laka inthiarfihlim a pawimawhzia thu a sawi a, Mipuite chu a thlawna ha inentir mai nilovin ka leh a vel wawn fai chungchangahte, zirlai tha tak tak zir chhuah tum theuh turin a chah bawk a ni.

Free clinic hi ni hnih chhung awh tur niin Thawhtan leh thawhlejni chhung hian a duh apiang tan a thlawnin Civil Hospital, Aizawl-ah OPD Card lain a inentir theih dawn a ni.



PM MODI ON GST

Prime Minister Narendra Modi’n thla hmasa ni 22 a GST rate thar a puan chuan mipui te ah hlawkna a thlen mek a, vawiin ah chuan GST rate thar in Assam ei leh bar chungchang a nghawng dan han tarlang ila.

GST siamthar chuan Assam chhunga puan hmang a eizawng te, loneitute leh sumdawwna tenau te tan hlawkna nasa tak siam in, rate siam thar hnu ah ram chhung ah hnam leh sakhuana lam thil hrang hrang te chu man tlawm zawk a lei theih in chhawpchuah a ni a, he dan thar hian Assam a thilsiamchhuahna hmun te chuan an hlawkpui hle. Assam chhung a puantah leh mahni kutkawih thiamna hmangin sumdawwna kawng zauh zelin, sumdawwna lian a thlen theih nan nasa tak in a pui bawk. He GST dan thar thian thil lei tute leh siamtute tan man tlawm zawk a siam tum in, kuthnathawktute sum laklawh pawh a tihpum phah dawn bawk a ni.



WEST BENGAL

West Bengal a ruahsur nasa avang a leimin avangin mi 23 an thi a, hmun thenkhat ah tuilian thleng thei niin, chhanchhuah hna thawk tute chu chawllo in darkar 24 chhungin hna an thawk mek a ni.

Chief Minister Mamata Banerjee chuan chhanchhuah hna thawk chhunzawm reng anih thu sawiin, National Highway 10 a lirthei tlan dan pawh mumal tak a kalpui ani tawh a ti a. Union Home Ministry chuan inkalpawhna siam lailawk turin hma ala bawk.

